

Dumonda Cahenzli-Philipp concernent la restructuraziun dal sector d'asil

La revisiun da la lescha d'asil, concludida l'onn 2016, vul accelerar las proceduras d'asil e megliar l'integraziun da las persunas che tschertgan protecziun. La nova procedura d'asil entra en vigur la primavaira 2019. A partir da lura vegnan realisadas las proceduras en moda accelerada, ed ina maioritad da las dumondas d'asil vegn terminada da nov en proceduras d'in tact svelt en centers federals d'asil. Persunas en l'uschenumnada procedura da Dublin vegnan repatriadas directamain d'avent dal center federal d'asil (sch'i existan cunvegnas da readmissiun) e na vegnan – cuntrari ad oz – betg pli repartidas als chantuns. Al Grischun vegnan uschia attribuidas cunzunt persunas cun in dretg da dimora u persunas en proceduras currentas, sche lur dumonda d'asil basegna ulteriurs scleriments. Perquai ch'ina decisiun d'asil duess esser avant maun pli svelt, po e duai la promozion da l'integraziun cumenzar pli baud cumpareglià cun il sistem vegl, quai che duess avair a vista pli lunga effects positivs per ils custs da l'agid social sco er per la convivenza sociala.

Las sutsegnadras ed ils sutsegnaders fan las suandantas dumondas en chaussa:

1. Tge consequenzas ha la restructuraziun per la collocaziun e per l'assistenza da las requirentas e dals requirents d'asil en il Grischun?
2. Vegni a dar adattaziuns tar las incumbensas dals centers da transit, en spezial en il sector da la promozion da l'integraziun? Sche gea, en tge furma?
3. Tge consequenzas ha la restructuraziun per il concept da gestiun dal center per l'emprima registraziun planisà al Meiersboden?

Cuira, ils 12 da zercladur 2018

Cahenzli-Philipp, Tomaschett-Berther (Trun), Clalüna, Atanes, Baselgia-Brunner, Bucher-Brini, Casanova (Glion), Casty, Caviezel (Cuira), Della Vedova, Deplazes, Geisseler, Hardegger, Jaag, Komminoth-Elmer, Kunfermann, Locher Benguerel, Lorez-Meuli, Monigatti, Niederer, Niggli-Mathis (Grüsch), Noi-Togni, Perl, Pfenninger, Pult, Thomann-Frank, Thöny, von Ballmoos, Widmer-Spreiter, Föhn